

№2601 2015 წლის 3 დეკემბერი ქ. თბილისი

„სს „საქართველოს სახელმწიფო ელექტროსისტემის“ კაპიტალის გაზრდის შესახებ“ საქართველოს მთავრობის 2015 წლის 23 თებერვლის №335 განკარგულებაში ცვლილების შეტანის თაობაზე

საქართველოს ზოგადი ადმინისტრაციული კოდექსის 63-ე მუხლის შესაბამისად, „სს „საქართველოს სახელმწიფო ელექტროსისტემის“ კაპიტალის გაზრდის შესახებ“ საქართველოს მთავრობის 2015 წლის 23 თებერვლის №335 განკარგულებაში შეტანილ იქნეს ცვლილება და პირველი პუნქტი ჩამოყალიბდეს შემდეგი რედაქციით:

„1. დონორი ორგანიზაციების მეშვეობით დაფინანსებული რეგიონალური ელექტროგადაცემის გაუმჯობესების პროექტის (ADB), 500-220 კვ ქ/ს-ის „ჯვარისა“ და შესაბამისი ხაზების მშენებლობის (EBRD, EC, KFW) და 220 კვ „ახალციხე-ბათუმის“ ხაზის მშენებლობის (WB) პროექტების განხორციელების მიზნით, საქართველოს ენერჯეტიკის სამინისტროსათვის „საქართველოს 2015 წლის სახელმწიფო ბიუჯეტის შესახებ“ საქართველოს კანონით გათვალისწინებული სასისტემო მნიშვნელობის ელექტროგადამცემი

ქსელის განვითარების ქვეპროგრამით (პროგრამული კოდი: 36 03) გამოყოფილი ასიგნებებიდან, სს „საპარტნიორო ფონდის“ კაპიტალი გაიზარდოს 3 999 988, 82 (სამი მილიონ ცხრაას ოთხმოცდაცხრამეტი ათას ცხრაას ოთხმოცდარვა ლარი და ოთხმოცდაორი თეთრი) ლარით, შემდგომ სს „საქართველოს სახელმწიფო ელექტროსისტემის“ კაპიტალის გაზრდის მიზნით.“.

პრემიერ-მინისტრი

ირაკლი ღარიბაშვილი